

重脩浙江通志稿

第四十六册下
著述

李維新詩集

重脩浙江通志稿

第四十八冊下著述

桂西稿無卷數 明吳瓊撰

案瓊字懷德烏程人成化五年進士官刑部郎中湖志文學有傳稱其詩文清麗著桂西稿未見

一齋集無卷數 明沈清撰

案清字廉夫歸安人成化十四年進士知樂安縣陞刑部主事湖志政績有傳此書載鄭元慶湖錄未見

木山居士集兩麾江湖集無卷數 明胡瑄撰

案瑄字廷器号東墅德清人成化十七年進士官湖廣岳州同知湖志政績有傳德清陳志又稱其喜吟詠善屬文於一時流輩中亦才俊者此集未見

翠屏詩集四卷 明韋厚撰

案厚字元載長興人成化二十三年進士官黃州同知湖志政績有傳此集載千頃堂書目顧應祥跋偁其行謚端俊居官廉潔所為詩若文固一時應酬登臨寄興之作然出自肺腑冲淡典雅雋永有味觀是集可以知其人矣

詠史詩一卷 明陳恪撰

案恪字堯謹号矩齋歸安人成化二十三年進士官至大理寺卿湖志政績有傳湖錄偁恪公餘宴坐輒披誦不休詠史詩以寓風刺凡一百三十首又

有正統論一卷未見

白鉄山人詩集谷應集無卷數 明王濟撰

案濟字汝舟烏程人成化十七年進士官武庫郎中出知臨安府湖志政績立傳此集有茅坤跋又有君子堂日詢手鏡二卷為濟判橫州公暇采其風土物宜與域中異者類為一篇載湖州志藝文

朴庵歸休稿無卷數 明陳文撰

案文長興人温州指揮同知以征閩功陞浙江都指揮僉事成化初陞總督兩浙海運此集載湖志引千頃堂書目

瓦缶集無卷數 明陳忱撰

案忱有宿松縣志已載史部此書載湖志藝文未見

鴻墩集無卷數 明張淵撰

案淵字子靜歸安人年十四為蒙師出所為歌詩示人吳興詩人邱大祐唐維勤皆相顧歎服其居在叢林之鴻墩故集以為名見湖志本傳湖錄稱凌桂萼輯叢林志採其詩文甚多

江陵集六卷 明孫綱撰

案綱字廷紀歸安人成化中由歲貢任海豐縣丞升江陵知縣致仕号歸閑

老叟結耆英會吟詠不輟遇佳山水徜徉自得見湖志引孫氏譜此集未見
大椿堂詩集無卷數 明陳霖撰

案霖字時雨号四山長興人宏治六年進士官南康知府湖志政績有傳此
集載長興志未見

崇雅堂集古卷樂府一卷 明顧應祥撰

案應祥有讀易愚得已載經部此集有朱國楨序偁世廟盛時我湖致政兩
尚書為箬溪顧公恭靖蔣公同時以寓公並高者清惠劉公三公表表大節
具在國史箬溪公集凡十四集尺牘視清惠少遜而意已盡餘文有過無不
及清惠泰山喬嶽也顧公景星慶雲也樂府見千頃堂書目

水南稿十九卷 明陳霆撰

案霆有唐餘紀傳已載史部此書據四庫存目云所載諸詩意境頗為蕭洒
而才氣空濶信筆而成故往往不暇檢點古文大致朴直而少波瀾頓挫之
勝惟詩餘一體較工其豪邁激越猶有蘓辛遺範末附詩話一卷中間論詞
一条謂明代騷人多不務此間有知者十中之一二則其自負亦不淺矣

范洪詩集無卷數 明范洪撰

案洪字懷遠安吉人宏治貢生官南京兵馬指揮有能聲然非其志也為人

誠謹可愛不為勢動而詩亦似之見鄭元慶湖錄

南村詩稿無卷數 明施佑撰

案佑号南村歸安人宏治甲子舉人官平慶州知州此書及所著詩載詩統均是湖州志引湖錄未見

襪線集無卷數 明史傑撰

案明詩綜小序傑字孟哲号敬庵吳興人宏治中官大河衛百戶年二十而陰官六十而謝事著有襪線集李西涯序

思古集無卷數 明陳璠撰

案璠字汝玉号思古安吉人年十七襲父爵懷遠將軍統衛事官終南京都督僉事湖州志武功有傳此集有吕柟序畧云陳將軍思古承祖父之業起一旅三十年而致上將積財愛士羞稱功伐雖古名將不及是宣傳其集以示四方原書未見

西亭集六卷 明施儒撰

案儒有中庸肥說已載經部此集載湖志引吳興名賢續錄云儒文簡潔清爽詩尚清逸見聞雜記云西亭遺文及詩篇讀之真前輩人物與郡邑諸公書論時事皆耿耿古道如師訓子弟絕無依阿柔媚之氣聞公每入城太守

萬公必設餽果肴率真意不在酒在乎蒼生利弊間也遙想休風令人歎息
南荅集一卷 明韋商臣撰

案商臣字希尹号南荅長興人嘉靖八年進士官大理評事湖志人物有傳
此書載千頃堂書目未見

東湖集無卷數 明費鍾撰

案鄭元慶湖錄云鍾字振伯号東湖歸安人世居菱湖正德丙子舉於鄉官
連州知州致仕呂涇野選序有云君子以行為先以行為後以明經為重講
學為輕歸安費振伯蓋有志於是矣嘗過鷺峯東所論學輒能引經據傳有
古宿儒之風予甚敬焉則其人品可知矣此書未見
天目山房稿和陶詩稿無卷數 明陳良謨撰

案良謨有見聞紀訓已見雜家類此集有呂枏序畧云陳梧子天性孝友博
學能文章見善而能好見惡而遽絕歷仕禮兵刑工四曹皆以清謹明公見
偶蓋有志於聖人之徒者見湖志引湖錄又有佩韋纂要和陶詩並未見
北山集無卷數 明臧志觀撰

案湖志引湖錄云志觀字國賓号北山長興人嘉靖中以貢知龍南縣致仕
為詩文流麗清致類其為人見顧箬溪所撰墓志

練溪集四卷

明凌震撰

案震字時東号練溪歸安人嘉靖間以廩貢授黔陽訓導湖志文學本傳傳其少有俊才博綜羣籍萬家中歲幡然守約務實一其歸趣善古文尤工於詩一時名士未識面先已誦其篇什此集載湖志引湖錄未見

孫舜卿詩稿

無卷數

明孫舜卿撰

案舜卿字子虞歸安人正德中歲貢不赴選隱居下澤村自製一船号船隱招蔣司空石庵費刺史振伯吳縣令介夫乘舟醉吟偈四仙歷成宏正嘉四朝壽九十有詩稿存於家見菱湖志

烏青感古集無卷數

明趙桓撰

案烏青文獻云桓字庭春号雲川烏鎮人賞於兩鎮門坊橋巷方外民俗故址遺跡數步而請得其詳徘徊感慨寄之歌詠都為一集名曰感古為詩二百有寄原書未見

環山樓集六卷

明吳琬撰

案琬有史類六百卷已載史部此集據湖志引千頃堂書目未見

午峯集二十卷

明陸時中撰

案時中有建文選史已載乙部萬姓統譜稱時中十歲以花露濕蜂鬚對茶

煙驚鶴夢於詩歌必有傑作自登科後以未聞道為恨扁其居曰心性元非二物天人德是一家則所學又一變矣原集未見尤氏執文志止四卷

平川遺稿南游漫錄無卷數 明陸時雍撰
案時雍字幼淳歸安人嘉靖二年進士知上高永寧二縣有循聲以江西提學副使致仕詳湖志政績傳又稱其力挽文體此集未見湖志二集外又

菁山集無卷數 明施侃撰
案侃字邦直号菁陽歸安人嘉靖五年進士湖志文學傳稱其經史之餘陰陽律呂星卜奇秘無不鉤勘有得為古文雄渾深懋詩先氣格意興清遠與山人孫一元游詩才亦相當此集又見千頃堂書目未見

茗源存稿十卷 明吳麟撰
案麟字允祥孝豐人嘉靖五年進士官山東按察使副使湖志政績有傳此集據湖志引名賢續錄為壯健蒼古賞自訂存稿為十卷藏於家

茗溪集二卷 明孫濟撰

案濟字以道號郭南歸安人嘉靖八年進士官江西按察司僉事湖志政績有傳又稱其乞歸入峴山社自闢小園吟哦為樂此集載千頃堂書目未見

午塘先生集十六卷 明閔如霖撰

案如森字安卿烏程人嘉靖十年進士官南京禮部尚書湖志政績有傳此集據四庫存目惟詩集七卷其門人姚宏謨所編詩多應訓之作雖清遠而乏骨力古體尤不擅長千頃堂書目載千塘集十六卷殆尚有文集九卷而失之歟

笠翁詩集無卷數 明施琬撰

案琬字廷佩号耕雲晚号笠翁歸安人家貧豪吟聲格去古不遠與宗人南村西亭篤兄弟之好姻友陸子峯貢士平川督學結金蘭之契每遇佳山水相與詠歌不返見者謂雲霞中人此集据湖州志引璉川集未見

自知堂集二十四卷 明蔡汝楠撰

案汝楠有說經劄記已載經解類此集據四庫存目云詩七卷文十七卷其門人朱炳如所編明史稱汝楠初喜文章從王慎中唐順之高叔嗣顧璘皇甫孝兄弟游中年復好講學與鄒守益羅洪先相善詩格遂漸頽唐頗有壽陵餘子失其故步之譏然汝楠才地本不足雁行王唐諸人亦不盡係於講學之後荒廢吟咏也

璉川詩集八卷 明施峻撰

案峻字平叔号璉川歸安人嘉靖十四年進士以刑部郎中官青州知府湖

志政績有傳是集據四庫存目云朱彝尊靜志居詩話謂平叔以七律自詡然殊不見好諸體過修邊幅未免氣綏是集有顧應祥序謂唐以後詩音調格律相尚鍛鍊益工其氣益弱亦似數致不滿焉

駱雨溪集十四卷附錄一卷 明駱文盛撰

案四庫存目云文盛字質甫武康人嘉靖乙未進士官翰林編修初蔡汝楠刻其詩集七卷并為評點卷首汝楠序即為詩集而作此集並以雜文筆記七卷楊鶴所續增其詩文皆於淺弱之中有清遠之致蓋文盛官翰林以不附嚴嵩移疾不出後貧病亟死有以千金求居間者尚力揮之至歿無以葬事具吳尚文序及卷末尚文書事中是其胸次本高故吐言不俗特編次者取卷帙之富末盡剪榛櫟耳

張莊僖文集五卷 明張永明撰

案四庫提要云永明字鍾誠烏程人嘉靖乙未進士官至刑部尚書改左都御史謚莊僖事具明史本傳是編原分六集以禮樂射御書數為目蓋編次者之陋禮集為誥命祭文贊誄碑誌之類樂集射集皆南垣諫草為南京給事中時所作御集書集為中州疏畧及部院彈奏事數集為家訓語錄雜著詩文附外紀二篇則去思碑贈序也其文平實質朴不高雕華而多有用之

言其為給事中時劾嚴嵩交通郭勛朋比漁利聞者震悚為河南巡撫時伊王典樸肆虐一方所司稍撓之輒中以訐莫敢誰何永明亦抗疏劾之卒伸國法其風節足多發為文章固於無物之言異矣永明人自可傳不以贈言為重今去禮集及外紀為五卷

天目山齋歲編二十四卷

明吳維岳撰

案四庫存目云維岳字峻伯孝豐人嘉靖戊戌進士官至右都御史巡撫貴州明史文苑傳附見王世貞傳中為嘉靖廣五子之一是集皆其讀書天目山時吟詠倡和之作分年編次起嘉靖己亥訖壬戌朱彝尊靜志居詩話謂峻伯詩如鉛刀土花不堪洒削雖詆之太過然覆核斯集其論非無因也

白華樓藏稿十一卷續稿十五卷吟稿八卷玉芝山房稿二十二卷
卷 明茅坤撰

案四庫存目云坤有徐海本末已著錄是編藏稿續稿皆其雜著之文吟稿則皆詩也玉芝山房稿文十六卷詩六卷耄年錄則詩文雜編不復分類坤刻意摹司馬遷歐陽修之文喜跌宕激射所選史記鈔八家文鈔歐陽史鈔即其生平宗旨然根柢少薄摹擬有跡秦漢文之有窠臼自李夢陽始唐宋文之有窠臼則自坤始故施於制執則為別調獨彈而古文之品終不能與唐

順之歸有先諸人抗顏耄年錄則精力既衰顏唐自放益非復刻意為文之舊矣

晚汀吟草六卷 明茅乾撰

案乾字健夫号少溪歸安人鹿門之兄嘉靖中由監生授廣東都司經歷陞南甯府通判致仕以子一桂貴累贈朝議大夫此集有從孫瑞徵跋公用俠顯名以軒髯高視之氣一寓之詩此甯屑與老博士角言商分月露而已吾宗固多善詩恐終當俎豆公也見湖志藝文引湖錄

葦塘間草十卷 明孫銓撰

案孫銓有五經述已載經解類此集據湖志引湖錄有荆彥唐世濟序第一卷至八卷皆詩第九卷尺牘第十卷文未見

靜勝軒詩稿無卷數 明孫錯撰

案湖州志引湖錄錯号芸我歸安人銓季弟工詩家貧以自廢子暨陽訓導鴻溪刻其遺集行世

太史藏稿百尺樓詩無卷數 明潘仲驂撰

案仲驂有大名府志已載史部此二集據湖州志引湖錄及烏程高志未見必園集三十七卷 明董份撰

案份有史記漢書後漢書評鈔已載史鈔類是集據南潯志詩七卷附詩餘文三十卷申時行序四庫存目則言為其孫嗣茂所編

天目山房集二十卷附錄一卷青蘿館詩六卷 明徐中行撰

案四庫存目云中行字子與号龍灣長興人讀書天目山下故自稱天目山人嘉靖唐成進士官至江西右布政使明史文苑傳附李攀龍傳中行為後七子之一王世貞藝苑卮言亟偶之以為左準右繩靡所不合胡應麟詩藪惜其少深沈之致陳子龍明詩選復有摹古太似之譏或褒或貶各有所當合而觀之則中行之定評出矣雜文亦有意矯揉頗失渾雅蓋當時風尚七子同一軌轍非是不能預壇坫也青蘿館詩為其婿汪時元所刻守汝寧以後之詩居三分之一汰其古文又汰其少作較前集精簡然中行於北地之學漸染既深時元能刪其枝蔓不能變其根柢也

留餘堂集四卷 明潘季馴撰

案四庫存目云季馴平生功業著於治河所作河防一覽已著錄是集詩一卷文三卷皆不見所長千頃堂書目作五卷或尚佚一卷歟

太樸主人集十五卷 明沈節甫撰

案節甫有紀錄彙編已見雜家類此集載千頃堂書目又有西吳琬琰錄無

卷數代庖公案八卷均未見

樗全堂集十卷 明錢鎮撰

案鎮有學術書內外篇已載儒家類此書據湖州志引湖錄作淡庵集五卷
靜志居詩話云守中從唐子鎮講學居弟子首而詩無塵腐之氣集中止詩
二卷文三卷無序目子從其裔孫肇基處得之恐未必全也許敬庵評其文
明達似賈陸詩冲逸如陶韋今觀其集信然

敬和堂集八卷 明許孚遠撰

案孚遠有周易述已載經部此集據四庫存目云孚遠之學雖出於唐樞然
史稱其篤信良知而惡夫援良知以入佛者故與羅汝芳楊起元周汝登斷
斷相爭在姚江末派之中最為篤實馮從吾劉宗周丁元荐傳其所學皆能
有所樹立是集前有葉向高序蓋萬曆甲午孚遠為福建巡按時所刊每卷
之首尚空其次弟未鐫以版心字數計之凡序一卷記一卷雜著一卷書一
卷疏二卷公移二卷云

詩畧一卷 明嵇錫撰

案錫字子佩長興人嘉靖十九年舉人官如皋令湖志政績有傳此書載湖
州志引鄭元慶湖錄未見

宋鑒集無卷數 明宋鑒撰

案鑒字石樓烏程人嘉靖十九年應天舉人官六合知縣此書載湖錄未見椒沔集無卷數 明林約言撰

案約言字季默号藻泉烏程人嘉靖十九年舉人官全椒知縣擢知沔陽州湖志政績有傳此集當係在官時作故以椒沔為名傳稱約言於詩文少受其父震指示又從文太史劉司空數人游為文多心得詩有唐人風致子迪知等皆彬彬世其風又有鳳笙閣簡鈔見千頃堂書目

按陝行稿無卷數 明姚一元撰

案一元字維貞長興人嘉靖二十三年進士官順天府尹致仕湖志仕績有傳此集當係其巡山海關留按陝西時作又有古今忠孝人物贊均未見存著樓集無卷數 明費止撰

案止字子靜号何山烏程人嘉靖二十二年舉人官工部員外郎湖志政績有傳此書據湖志引明史藝文志又有文獻雜誌載湖州志未見

吳廉集十八卷 明吳廉撰

案廉字介夫歸安人嘉靖中以貢知即墨縣湖志政績有傳又稱其棄官歸故土稽文述古訓事摠興下筆能洵湧老而弥篤與杜髦相頡頏卒年七十